

671.1315
084
15

望都縣志

望都縣志卷九

人物志四

列女

列女

節婦

賢孝

貞烈

壽婦

一節婦

明

張氏問善妻善幼失怙恃依於伯父母性極嚴氏克執婦道咸得其歡心相夫力學夫遭疾囑曰我亡汝即他適勿以我故誤汝氏曰寧死不再適及死號泣而絕者再終日不食百計求斃母勸曰汝死從夫節義得矣獨不念母耶不若守志奉夫香火斯爲節孝兩全氏乃曲從既殯名門多求之者時年二十一伯母利其聘欲嫁之氏斷髮毀形以求速斃父母知其志不可奪浼於伯翁迎至家與母共處經歲不出中庭雖昆弟亦罕見之

苦節五十年壽七十按君張公以聞得旌表

張氏邊寵妻寵故氏年二十有四一子尙幼昆弟析爨一無所依而家復窘甚其伯叔勸之使嫁氏誓不從伯叔慙而止日夜勤紡織自食粗糲而以甘美奉翁姑鄉人皆稱孝婦壽八十二歲始終如一撫按旌其門曰氣節凌霜義重如山

王氏孫榛妻夫死氏年二十有九痛夫號泣不已絕飲食者三日瀕死其姑諭曰汝死誰撫幼子乃就食家甚貧饔飧不給氏勤女紅易菽粟以養姑時姑八旬每行氏必扶之養育幼子教必以正壽七十撫按俱表其門

黃氏張璞妻璞故氏年二十五翁姑衰老三子幼弱家貧誓不再嫁朝夕勤女紅上事舅姑下撫穉子送舅姑終撫三子俱成立年八十以壽終

黃氏問臣妻相夫力學親操井臼二十一歲夫死生二子侍奉舅姑惟謹甘心守節七十三歲以壽終

段氏胡世利妻夫故氏年二十二矢志守節紡績教子長子邦垣廩膳生次子邦均增廣生三子邦域武舉年逾九十

劉氏張之屏妻夫亡氏年十九遺一子家甚貧教子成名守節四十餘年始終不渝

齊氏邑庠生胡邦懷妻翁鄉飲大賓胡世利元配董氏生子二長邦懷次邦維夭折邦懷娶氏年十九入庠二十旋亡氏年二十有二無子孀守姑董氏亦相繼歿翁爲氏立嗣氏以單傳數代支遠脉隔辭氏因託族孫某與翁相善者勸再娶爲嗣續計翁以年老辭氏乃背翁倩媒聘段氏屆期告翁不獲已娶之生三子邦垣邦均邦域翁歿喪葬盡禮氏亦憂勞病歿是時三夫

弟幼均未授室無爲承祧者段氏迺命其季子披麻送終葬嫂如葬母氏卒於萬歷四十七年守節二十餘年

孫氏李南金妻克執婦道夫病湯藥必親嘗夫歿氏年方十有九歲痛哭不食惟冀同死一子一女俱在提抱咸育成立兵道何公旌表其門

呂氏黃朝封妻年二十七歲夫死家貧翁姑年老子方四歲次年翁卒姑生毒瘡艱於動履伺伏便溺惟謹五年如一日及夫殯有來勸嫁者氏堅不許甘心守節壽七十有五

王氏朱應魁妻二十五歲夫死翁姑俱歿貧不聊生夫殮時持刀刺面誓無他志撫育二子成立八十歲終

宋氏蘇光裕妻夫死氏以節義自持壽八十三歲臨終遺囑以侄繼枝承繼免除爭產弊平時常對其侄曰和睦鄉里毋胡作

非爲斯二語汝遵奉之至死無憾矣繼枝遵行不怠年近六十
乏嗣其妻楊氏年五十有六妊一子時崇禎庚午歲也人以爲
節孝所感云

韓氏胡應龍妻夫逝氏年二十孀居至死靡他壽七十歲有司
旌其門曰閭帷正氣

龐氏李根心母夫逝氏年二十二歲子幼家貧親操井臼紡績
度日壽八十一歲有司旌其門曰節懷冰霜

趙氏楊奇芳妻夫早逝苦志守節親操井臼數歷兵火卒能保
家訓子年六十六歲

辛氏王儒孟妻孟逝子幼氏紡績教子清操四十餘年壽七十
一歲其子以孝友聞卽其教也

清

王氏楊九倫妻夫逝氏守節勤儉教子壽七十一歲縣學旌曰
閩貞閨範

沈氏王輔乾妻年二十七歲夫歿誓以死殉累日不食親鄰以
二子幼苦勸始食葬畢遣子就外傅長子祚盛食餼邑庠次子
祚明中丙戌亞魁文章行誼推重一時皆氏訓子有方之徵也
年八十一有司旌曰冰節流芳儒學旌曰誓鵠和熊

王氏麻文煜妻夫死教子持家井井有條年八十初終不異其
操

邱氏張之坪妻坪死氏年二十有九一子又隨清兵北去孑然
一身瑩瑩無依紡績度日糟糠不厭歷四十年如一日此人情
所尤難者後其子自滿洲贖歸一家完聚人皆以爲苦節之報
李氏胡燠妻夫死氏年十八子女俱無堅志守節年逾七十始

終如一

王氏李自新妻新逝年二十五遺二子尙幼氏矢志撫孤勤紡績教不失時卒致成立守節五十餘年壽七十五有司旌曰柏舟矢節

郭氏劉國印妻夫死氏年二十九一子在抱家窘氏勤女紅自給數十年始終不渝

湯氏郭洪陽妻陽死氏年二十八遺一子越二十餘年娶媳楊氏未幾其子又死有孫一尙在襁褓氏與媳楊氏共守一門糠粃度日教子成立年近八旬其媳與孫亦皆以孝聞

姜氏王御乾妻乾於崇禎戊寅殉難氏年二十九撫屍痛哭驅之不去背著數鎗兵退命子急殮夫屍殯葬苦節三十八年壽六十七歲有司以節義旌其門

趙氏張聰妻年二十九喪夫家貧如洗矢志堅貞子方四歲撫養成人饑寒拮据日歷糟糠之死靡他五十年如一日壽七十四

王氏生員麻陞妻崇禎戊寅陞殉難氏年二十四上事六十孀姑孝養備至下撫四歲孤兒教育有方蔬食菜羹終無渝志年六十五而終

呂氏趙城縣教諭傅惟登繼室年十五歸登十九歲登歿家窘撫育幼子成立紡績自給壽八十八

張氏烈士麻封妻封殉戊寅難後房室俱燬家業蕩然一空遺有四子俱未成立氏撫育羣孤刺繡紡績取贏度日嗣後屢遭凶荒卒能自給且時以繼父書香訓子年七十三歲卒夫烈妻貞洵稱兩美

牟氏潘鳳妻夫逝氏早年守節淑慎慈柔端莊靜一紡績訓教二子并食餼年八十終

張氏王勤妻勤死氏年二十八歲子女俱無氏撫侄繼嗣侄亦死又撫侄孫再繼拮据度日五十餘載家業不墮是能爲夫立後者

張氏王顯妻夫歿氏年二十七歲子女俱無家計蕭條紡績自給艱苦四十餘載壽六十五

王氏楊燦妻燦亡氏年二十五歲善養孀姑葬祭如禮教養子女成立宗族鄉黨稱之

魏氏王祚久妻年二十七歲夫病衣不解帶藥必親嘗病篤祝天求以身代夫卒哀毀踰禮死而復甦者數次子二一七歲一襁褓女一方三歲嗷嗷待哺姑勸勉始稍進飲食葬後竭誠事

姑逾二歲姑逝次子亦亡氏哀號愈甚殯殮盡禮倚夫堂兄貢生祥盛堂弟舉人祥明擇師訓子曆三十載勤儉如一子恪入泮人以爲苦節所致也

任氏耿嘉璞妻明崇禎戊寅之變周殉國難氏年二十六歲紡績度日保守祖業孀居四十餘年始終不渝

蘇氏李琮妻年十六歲正月于歸七月夫死撫遺腹子繼靖教以詩書登康熙甲子鄉薦任昆明令康熙辛未建坊旌表丙戌賜節烈對聯並賜精帛雍正十二年崇祀節孝祠

周氏生員周爰謨女劉兆熊之妻年二十四夫亡孝事舅姑繼胞侄候選訓導毓馨爲嗣乾隆三年旌

麻氏周士達妻早年喪夫事姑教子克承夫志乾隆戊午旌

馮氏耿珀之妻年二十四歲守節乾隆三年旌

樊氏李可昌之妻于歸七年夫亡守志餽積粟以濟夫兄讓腴田而養伯姒乾隆三年旌

焦氏楊燦妻韓氏燦子振行妻耿氏燦孫國平妻三世苦節鄉里欽敬之乾隆二年旌知府倪象愷時爲作傳

傳曰三節婦者保定府慶都縣城南二十里王家疇楊氏婦也楊氏業農配皆民女祖父及孫三世均不永年婦咸著節楊燦妻焦氏祁州焦棟女年十五歸燦生子振行燦於康熙三年故時振行始二週而焦年甫二十二歲矢志撫振行成童娶里人韓女爲媳共相操作支持門戶焦雍正六年二月二十七日卒貞靜修潔六十五年如一日壽八十七振行妻韓氏生子國平二年振行又故韓氏二十九慟而絕絕而甦曰姑老子幼吾死易誰爲事姑育子者於是朝夕侍焦左右務得歡心教國平攻苦詩書寒暑稍長爲之娶耿氏韓偕焦兩世冰霜一生茹蘗淚眼常枯望國平之讀書成名生子嗣續耳距振行亡四十九年今七十八歲嶠然玉潔與其姑焦先後重光焉國平妻耿氏張莊村耿培女年十七適國平康熙五十一年八月十五日國平又卒其子之時尙未生也時焦年老韓亦老所望於國平者已矣耿毅然曰妾有遺腹天若憐三代孤孀當舉一子已於十二月二十四日果生之時耿自國平亡後侍祖姑焦十七年養姑韓至今二十有六年保田廬以訓遺孤一姑一媳機聲書聲相聞燈影月影同寒焦歿雖十年而韓與耿規清皎皎如白日云丁巳秋余合十七屬文童起送

科試於慶都則拔之時第二人據文評騰未識之時也是秋潦屬邑例有賑余肩賑將遍九月九日由祁州道旋署是夜之半若有伏余前而請者曰明日歸途宜枉道慶都之王家疇寤語從者如夢中語行六十里將抵王家疇里許有二生伏迎道左一之時一從兄生員蓋臣也相從詣蓋臣書室詢之時家室乃述其母耿及祖母韓并曾祖焦事淚潄潄下余感前夕之夢因親行周視之時巷宅訪之居民遍詢鄉里質之閭閻咸稱王家疇楊氏三代節孝無間言以合屬士民公舉循例上請仰荷褒榮戊午春督學使者江西劉公取之時入邑庠宮保李公留入蓮池書院肄業之時質樸氣醇能文而好學以焦韓耿三婦卜之吾知之時之當有以成德立名而顯揚其潛德幽光矣乎贊曰保陽畿輔重地被列聖彰輝漸摩爲最深乙卯夏余守是邦至丁巳冬陸續上請得旨旌門閭孝子二人節婦五十人至於姑媳同心祖孫一軌冰霜其操松柏其節則楊氏一門三婦爲尤異豈慶都爲堯母故居鍾靈獨異歟何凜凜正氣都在編民婺婦間嗟乎是真可以表厥宅里樹之風聲矣中憲法大夫知保定府事加二級紀錄二次倪象愷撰

劉氏生員耿琛之妻早年夫喪擇猶子以繼宗祧即自縊死乾隆四年旌

高氏李桂之妻早年夫亡無子撫侄爲嗣未幾侄亡又撫孫輩爲子後乾隆五年旌

顏氏陳嘉訓之妻年十八于歸一載夫亡撫遺腹子守志乾隆五年旌

梁氏監生朱鉦曾祖母暨祖母楊氏俱青年失偶撫孤守節乾隆十九年旌母張氏亦青年守節光緒年旌

郝氏增生周廷龍妻年二十五夫亡敬事孀姑子倬雲甫一歲氏訓孤甚篤中乾隆庚寅科副榜乾隆十九年旌表建坊

尙氏趙濟之妻年十五于歸兩載夫故堅心守志乾隆二十四年旌

羅氏張希亮妻夫亡氏年二十無子翁姑令其出嫁不從歲饑家貧紡績度日孝事翁姑乾隆元年沈公旌以節孝兼優壽九十

滑氏生員潘盛妻年二十夫亡止生一女守志不二孝事翁姑

翁姑死依侄度日淡泊寧靜年七十有八

史氏徐熙然之妻于歸纔六月夫死守志乾隆三年旌表建坊
余氏于懽之妻青年守節乾隆三年旌

侯氏劉文秀妻年二十歲夫亡撫一子守志不二學院倪旌以
苦節流芳四字

劉氏楊繼時妻候選訓導劉毓馨女二十夫亡無子守志不二
孝事翁姑已旌

楊氏廩生左文燧妻朴拙勤儉端莊慈善年二十三歲孀居事
翁姑以孝育一女無子親操井臼勤針指數十年無笑言無愠
色撫侄爲嗣親愛倍篤族里皆服其賢良

呂氏增生左文炫妻聰慧識書端方恬淡年二十八歲夫故孝
事舅姑飲食湯藥必躬必敬訓子基讀書與考兩次忽歿媳趙

氏事孀姑亦以孝聞撫一孫又天邑令衛公旌以孀節重輝

張氏崔樛棟之妻二十歲夫亡守節乾隆三十四年學院倪公旌曰貞操慈蔭

劉氏王勳臣妻年二十夫亡守節撫孤子玉鐸教讀成名已旌馬氏李材之妻年二十三歲夫喪家貧事翁姑以孝撫幼子成立邑令陳洪書旌以勁節凝青

葛氏吏員王君敬妻生員挺母年二十一歲夫逝孀居孝慈勤儉教子成名乾隆三十四年學院倪旌以貞節遐齡

劉氏南埕子村張自成妻年十九于歸二十四夫故剪髮矢志鍼帶爲生乾隆四十九年旌貞心勁節

劉氏小西堤村尙嬰之妻大西堤村劉宣女廩膳生尙世發母年十六于歸十七夫故遺一子家業蕭條舅姑衰老賴紡績養

親喪葬盡禮課子入邑庠乾隆五十年旌表建坊

閻氏三堤村孫之碩妻大羊青莊閻奇女年十七于歸十九夫故欲以身殉乃以翁姑年老無人奉養矢志苦節四十九載嘉慶二年旌

王氏城內麻漂妻完縣舉人王應範女年十六歲于歸十九歲夫故家貧翁姑年老晝夜紡績曲盡孝導嘉慶三年旌

杜氏曲家灣黃甲妻杜成仁女年十九夫故仰事翁姑俯育幼子松柏堅心冰霜苦節嘉慶四年旌建坊

李氏八里莊問崇德妻三陽村李炯女年十六于歸十八夫故壽八十守節六十二載與孀媳湯氏皆青年矢志嘉慶十年旌曰雙節重輝

湯氏八里莊生員問孝妻北關生員湯棟女年十七于歸十九